

U Lincu Svjetsko prvenstvo bh. dijaspore u malom fudbalu

Tim Austrije ponovo na prvom mjestu

Zanimljive susrete pratilo oko 500 gledalaca • Ekipa Luksemburga zapjevala „Bosnom behar probeharao“ • Bogat zabavni program

Drugo svjetsko prvenstvo bh. dijaspore u malom fudbalu održano u subotu, 4. juna u austrijskom gradu Lincu, proteklo je u izvanrednoj organizaciji Svjetskog saveza dijaspore BiH i domaćina prvenstva, BiH kluba iz Linca.

Intonirana himna

Na početku je intonirana državna himna Bosne i Hercegovine i Republike Austrije, a potom je upriličen defile ekipa učesnica: Austrije, Luksemburga, Belgije, Švedske, Holandije, Italije, Engleske, Švicarske, Njemačke, Hrvatske, te nastup folklornih sekcija iz Linca i Birminghama. Upriličeno je i prigodno obraćanje organizatora turnira, generalnog sponzora Western Uniona. Turnir je otvorio premijer Unsko-sanskog kantona, Ismet Kumalić.

Novi stari prvak BiH dijaspore u malom fudbalu je tim Austrije koji je u uzbuđljivoj finalu rezultatom 4:2 savladao svoje suparnike iz Luksemburga. Treće mjesto pripalo je ekipi Belgije koja je u borbi za treće mjesto porazila selekciju Švedske.



Kemal Monteno sa predstavnicom Western Uniona



Svečana dodjela pehara prvoplasiranom timu Austrije

U dvorani sportskog centra „Rund halle“ izuzetno zanimljive susrete pratilo je oko 500 gledalaca. Generalni utisak je da je ovogodišnji turnir bio izuzetno kvalitetan i da su ekipe ove godine bile znatno spremnije i uigrane. Finale je proteklo u nadmetanju timova iz Austrije i Luksemburga. U samom finišu izvanredni Zimir Seferović golovima je obezbijedio titulu starim šampionima.

U borbi za treće mjesto favorizovana ekipa Belgije ubjedljivo je savladala tim iz Švedske.

Nakon završetka turnira u gradskoj dvorani „Sthathalle“ u Ennsu održan je bogat kulturno-zabavni program gdje su nastupili folklorni ansambli BiH asocijacija iz Linca i engleskog Birminghama, te austrijska folklorna grupa koja je izvela narodne igre iz Gornje Austrije.

Publiku su na noge digli

USK kandidat za domaćina narednog turnira

Predsjednik BiH udruženja u Lincu, Hilko Bjelak, zahvalio je sponzorima na čelu sa Western Unionom, medijskim pokroviteljima prvenstva, sportskoj grupi Svjetskog saveza: Fadilu Meanu, Anesu Ceriću, Hajrudinu Isoviću i Harisu

Haliloviću, te mnogobrojnim volonterima iz BiH asocijacija Linc bez kojih, prema Bjelakovim riječima, ovaj posao bilo nezamislivo uraditi.

Za domaćina narednog turnira kandidovali su se Unsko-sanski kanton, Belgija i Luksemburg.

Muradić Durić Tarzo najbolji igrač

Za najboljeg igrača prvenstva proglašen je Muradić Durić Tarzo iz ekipe Belgije, najbolji golman bio je njegov suigrač Adnan Obaričanin, a najbolji defanzivni igrač mladi Nešad Omerasević iz selekcije Luksemburga.

Najbolje napadače i strijelce imali su Austrijanci. Zasluzni pehari otišli su u ruke Edina Ališića i Zemira Seperovića. Pehar za „fer plej“ pripao je Engleskoj.



Nastup bh. folklornih grupa

pjevači Baki, Omerica, Moni, dok su svojim nastupima prisutne oduševile zvijezde BiH estrade Kemal Monteno i Sejo Kalac u pratnji svojih orkestrara.

Izvanredna zabava

Izvanredna zabava iskorisćena je i za podjelu priznanja najboljim timovima i igračima. Medalje i pehare uručili su Mirela Vahdani, predstavnica Western Uniona, načelnik Opštine Bužim, Jasmin Emrić i premijer USK, Ismet Kumalić.

Publika u dvorani burnim plauzom pozdravila je tim Luksemburga koji je zapjevao pjesmu Dine Merlina „Bosnom behera probeharao“ i selekciju tima Austrije koji je prihvatio ovaj refren.

N. ALIMAJSTOROVIĆ



U Lincu su se okupili brojni posjetioci

Arijana Čulina, splitska glumica

Muškarac uvijek treba znati o onim stvarima isto koliko i žena

Glumila Milijanu u serijalu „Đekna još nije umrla, a kad će, ne znamo“

Arijana Čulina, hrvatska glumica, književnica i televizijska komentatorica društvenih zbivanja, u četvrtak se mostarskoj publici predstavila komadom „Šta svaka žena treba znati o onim stvarima“.

Bjondinina iskustva

Pored televizijske emisije „U sridu“, koju emitira Nova TV, naši gledaoci najviše je pamte iz serijala „Đekna još nije umrla, a kad će, ne znamo“ u kojem je glumila Milijanu. Također, Arijana je poznata i kao Goge Bjondina. To je lik iz njenih knjiga pod čijim imenom se pojavljivala i kao komentatorica na HTV-u.

U posljednje vrijeme Arijana je pretrpana ponudama za nastupe.

- Predstava koju sam igrala u Mostaru rađena je prema motivima moje knjige koja je dugo osvajala hrvatske top-liste i ostala jedna od najprodavanijih kod nas. U predstavi su korišteni i tekstovi iz knjige „Bolje se roditi bez one stvari nego bez sriće“ - kaže nam Čulina.

I dok u romanima uz savjete za žene piše o svojim dogodovštinama, zgodama i nezgodama, u Arijaninom obraćanju publici može se saznati i zašto je za brak bolje da žena ne voli svog muža, kako je ženski mozak drukčiji od muškog, koje su najbolje partije za brak, šta je emancipacija, kako bi se seks trebao odvijati i još štošta.

I to sve, naravno, iz ugla Goge Bjondine, bazirano na njenim iskustvima koja su, kaže Čulina, ono što dobijete kada ne dobijete ono što želite.

- I kao što medalja uvijek ima lice i nalije, tako i svaka moja

Odmor u kuhinji

Arijana Čulina kaže kako se najviše odmori uz kuhanje, što joj je, pored posla kojim se bavi, najveća ljubav.

- Kuham skoro svaki dan. Kad imam vremena, cijeli dan posvećujem pripremi hrane. Moja jela su što manje začinjena i ne prekuhavam hranu. Najčešće pripremim nešto na lešo, tjesteninu sa svim i svačim ili ribu na gradele - otkriva nam ova svestrana umjetnica.

teorija može biti, a i ne mora. Lako je drugima dijeliti savjete, lako je biti pametna za drugog. Ja sam ih dijelila šakom i kapom dok nisam zagazila u g... života.

Kratke priče

Nedavno sam napisala i priručnik za dobar ljubavni život. S primjerima, naravno. Duhovite upute pisane su u formi kratke priče, a šta svaka žena treba znati o onim stvarima, mora znati i svaki muškarac - kaže nam Čulina.

Arijana bi voljela da se bh. glumci što više afirmiraju u Hrvatskoj, jer smatra da drama i film dobijaju na kvalitetu upravo zbog raznolikosti glumačkog ansambla. Iako do sada, osim gostovanja u Mostaru, nije dobila nijedan poziv iz BiH, kaže da bi je radovalo ponovno nastupanje u nekim od naših teataru.

S. MASNICA



Čulina: Napisala priručnik za dobar ljubavni život